

Ilanngussaq K



**Aningaasaqarnermut Naalakkersuisoq
-/ Maani**

Assilineri: Inatsisartut ataatsimiititaliaat

Ulloq: 10. november 2020

J.nr.: 01.31.11-00020

Naalakkersuisut 2021-mi aningaasanut inatsisissatut siunnersuutaat

1. Aallarniut

Aningaasaqarnermut Akileraartarnermullu Ataatsimiititaliap 2021-mi aningaasanut inatsisissatut siunnersuummut aallarniutitut apeqqutai oqaaseqaataalu matumuuna nassiunneqarput. Aningaasaqarnermut Akileraartarnermullu Ataatsimiititaliap 2020-mi septemberimi Uummannami missingersuutit pillugit isumasioqatigiinnermini aningaasaqarnermut inatsisissatut siunnersuummik tamarmiusumik misissuina apeqqutininut pingaarnertut tunngavigineqarpoq.

Allamik allassimasoqartinnagu quppernertut innersuussutit aningaasanut inatsisissatut siunnersuutit kalaallisuanut innersuussutaapput.

3. Nassuiaatit nalinginnaasut

3.1 Coronap atuunna tamatumalu sunniutai, qupperneq 165

- a) Coronap atuunna aalisarnermik suliaqartunut aammalu aalisarnermik suliaqartut avammut tunisaannut ataatsimoortunut aningaasaqarnikkut qanoq kinguneqartussatut Naalakkersuisunit naatsorsuutigineqarpa?
- b) Coronap atuunna aalisarnermik suliaqarnerup imminut akilersinnaaneranut aningaasaqarnikkut qanoq kinguneqartussatut Naalakkersuisunit naatsorsuutigineqarpa?
- c) Nunani tamalaani nuarfik nunatsinni aalisarnermi tunisassiassanik tunisinnermi avammullu tunisinnermi akinut qanoq sunniuteqartussatut Naalakkersuisunit naatsorsuutigineqarpa?
- d) Coronap atuunna avataasiorluni aalisarnermut aammalu sinerissap qanittuani aalisarnermut assigiinngitsumik eqquissasoq Naalakkersuisunit naatsorsuutigineqarpa?
- e) Aalisarnermut akitsuutinit ukiuni aggersuni iluanaarutissat Naalakkersuisunit qanoq naatsorsuuteqarfigineqarpat?
- f) Aalisarnermut ikiorsiissutissat aningaasanut inatsisissatut siunnersuummut ilaatinneqanngillat. Aalisartunut ikiorsiissutissat aningaasanut inatsimmut qanoq sunniuteqartussatut Naalakkersuisunit naatsorsuutigineqarpat?
- g) Coronap atuunna Ilulissani Nuummilu aammalu Qaqortumi mittarfiliornermut aningaasaqarnikkut qanoq kinguneqartussatut Naalakkersuisunit naatsorsuutigineqarpa?

3.2 Coronap atuunna nunattalu karsiata aningaasaatai tigorianaat, qupperneq 165

- h) Coronap atuunnerata nassataanik aningaasartuutaanerusussat nunatta karsianit akissaqartinneqarnissaat qulakkeerumallugu anngaasalersuutissat sipaarutissallu pisariaqartut pillugit periusissamik Naalakkersuisut suliaqarsimappat?
- a) Coronap atuunneranik isumaginninnissamut Naalakkersuisut periusissiorsimappat?
- b) Ikiorssiissutit assigiinngitsut sunniutaat Naalakkersuisunit uuttortarneqarsimappat?

3.3 Sanaartornermut aningaasaliissuteqarnissamik pisariaqartitsinerup pingaarnertut. su-liassaqarfii akimorlugit ungasissumullu isigisumik iliuuseqarfigineqarnissaannik pisariaqartitsineq pillugu, qupperneq 134

- a) Nunap immikkoortuisa tamarmiusut aningaasaliissutinit pissarsisinneqarsinnaaq-qullugit illoqarfiit anginerusut avataanni sanaartornermut aningaasaliissutit anner-tusineqartariaqartut ataatsimiititaliaq nalinginnaasumik isumaqarpoq – minnerun-ngitsumik karsimik misissuisimanerit eqqarsaatigalugit. Illoqarfinni anginerni sisamani aammalu illoqarfiit nunaqarfiillu sinnerini sanaartornermut aningaasaliissutit kingullit qanoq agguataarneqarsimappat?
- b) Illoqarfinni anginerni sanaartornerit annertuut illoqarfinnit allanit nunaqarfinnillu sulisussanik qularnanngitsumik tigooqqaassapput. Nutserneq taanna illoqarfiit angi-nerusut avataanni sanaartornerit annertussusiannut akiinullu qanoq sunniuteqassava?
- c) Kiisalu ataatsimiititaliaq isumaqarpoq coronap atuunera ungasissumut isigisumik sanaartornermut aningaasaliissutinik pingaarnersiulluni tullerilaarinermut kingune-qartariaqartoq. Tamatumunnga Naalakkersuisut qanoq oqaaseqaatissaqarpat?
- d) Attaveqarnermut aningaasaliissutit nioqqutissanik pilersuinermut ilaasunilluunniit angallassinermut taamaallaat sammitinneqarnissaat naammanngilaq. Aalisarnerup inuiaqatigiit aningaasaqarnerannut sapinngisamik pitsaanerpaamik iluanaaruteqaataa-nissaa qitiutittuassallugu pingaaruteqartutut ataatsimiititaliamit isigineqarpoq. Nunatsinni inuussutissarsiutit pingaarnersaata tassanngalu isertitat siuariartorneru-nissaannik pilersitsiumalluni sanaartornermut aningaasaliissutit sinerissamut qanit-tumi aalisarnermut aamma ikorfartuutaanissaat aalajangiisuvoq. Tamanna pillugu Naalakkersuisut qanoq eqqarsaateqarpat?
- e) Aningaasaliissuteqarnissamik pisariaqartitsinerup immaga pisariaarussimasumut aningaasanik uninngaannartitsisoqarsinnaanera annikillisarnerlugu sanaartugassanut aningaasaliinissamik pisariaqartitsinerup ingerlaavartumik nutartarneqartarnissaa Naalakkersuisunit qanoq qulakkeerneqartarpa?

3.4 Sillimmatit missingersuutinillu iluarsinerit pillugit immikkoortoq, qupperneq 187

Missingersuutinik ammut iluarsineq siunnersuummi tamarmiusumi annertuumi amigar-toorutissatut missingersuutigineqartunut annertunerusumik sunniuteqanngitsoq ataatsimiitita-liamit paasineqarpoq. Akerlianilli piffissap missingersuuteqarfiusup ingerlanerani allaffis-sornikkut sipaarutissat 112 mio. kr.-it siunnersuummi ilanngunneqarsimasut paasissutis-siissutigineqarpoq. Pisortani allaffissornikkut aningaasartuutit ataatsimut isigalugu amerla-vallaarujussuarsorineqartut piffissami kingullermi annertuumik isiginiarneqarsimapput. Taakku malunnaateqarluartumik ikilisinneqartariaqartut ataatsimiititaliaq isumaqarpoq.

- a) Allaffissornikkut aningaasartuutit malunnartumik ikilisinniarlugit Naalakkersuisut qanoq iliorpat?
- b) Namminersortunut sanilliullugu pisortani atuneq sulisoqarnerlu malunnaatilimmik qaffariarfiusimasoq Kalaallit Nunaata Aningaasaqarnera pillugu Siunnersuisoqatigiit nalunaarusaanni kingullermi takuneqarsinnaavoq. Pisortat ingerlatsineranni allaffis-sornikkut aningaasartuutit tamarmiusut aammalu pisortat ingerlatsinerisa annertus-sia imminnut qanoq ataqtigiippat?

3.5 Immikkoortoq 7, Nutaamik missingiinerit aammalu akinik akissarsianillu nalimmassaaneq. qupperneq 190

Ingerlatsinerimut tapiissutinullu aningaasaliissutit akinut akissarsianullu nalimmassarneqanngitsut, tamannalu 75 mio. kr.-it missaannik missingersuutitigut pitsanngoriarnermik nassataqartoq, Naalackersuisut paasissutissiissutigaat.

Tamanna ima isumaqarpa 2021-imi amigartoorutit annertuut ukiuni marlunni affarmilu taamatut periuseqarluni matussuserneqarsinnaasut?

4. Suliassaarfik 10 - 12 Naalackersuisut Siulittaasuat

4.1 Konto pingaarneq 10.10.10 Naalackersuisut

Allaffissornikkut sipaarniarluni suliniuteqarneq Naalackersuisunut aamma atuuttariaqartoq ataatsimiititaliamit naatsorsuutigineqarpoq.

- a) Suliassat siunnersortinit avataaneersunit isumagineqartartut inatsisinut immikkoortoqarfimmit isumagineqarsinnaaqullugit Naalackersuisut qanoq iliuseqarpat?
- b) Inatsisilerituut sulisorineqartut Naalackersuisoqarfimmut assigiinngitsunut siammarneqarnerannut taarsiullugu, apeqqutinik inatsisinut tunngasunik Naalackersuisunut qitiusumit ikiuulluni suliassaminik isumaginnissinnaaqullugu, inatsisinut immikkoortortap nukittorsarneqarnissaa Naalackersuisunit isumaliutigineqarsimava?
- c) Misilittakkat immikkullu piginnaaneqarneq Namminersorlutik Oqartussani pigineqaleqqullugit nalunaarusiornissamut nassuiaasiornissamullu Naalackersuisuni nukissat pigineqartut nukittorsaavigineqarnissaat Naalackersuisunit isumaliutigineqarsimava? Ataatsimiititaliap isumaa malillugu tamanna siunnersortinik avataaneersunik annertoorujussuarmik atuinermi sipaarfigineqarsinnaavoq. Ataatsimiititaliap isumaa malillugu taamatut qitiusumit ingerlatsilernikkut suliassaqarfimmit ajornartorsiuteqarfimilluunnit paasinarsisitsiniarnerup qulamannngitsumik assigiimmik siunertaqartumik, imaqartumik inerineqartumillu siunnersortinit avataaneersunit arlalinnit aqqiiviginiarneqartarneratigut qaleriittumik marloqiusamillu sulineq pinngitsoortinneqarsinnaavoq.
- d) Nalunaarusiarpassuit nassuiaaterpassuillu ukiut ingerlanneranni suliarineqartarsimasut siunertaat, imarisaat, inernerit kiisalu iluaqutaassuseqarnerat Naalackersuisunit tamakkiisumik ilisimaneqarpat?
- e) Oqaatigineqartut malillugit assersuutigalugu inuussutissalcerinermut tunngasuni nalunaarusiortoqarsimavoq pingasunik quppernilimmik 300.000 kr.-inik akilimmik. Pisuni taamaattuni nalunaarsukkat paasissutissallu pineqartut pissarsiarineqarnissaasa qulakkeerneqarnissaannut periarfissat allat atorneqarsinnaanerat Naalackersuisunit isumaliutigineqarsimava?
- f) Siusinnerusukkat sulisorineqarsimasut soraarninngorsimasut Danmarkimut nunassisimasut siunnersortit avataaneersutut Naalackersuisunit qanoq annertutigisumik atorneqarnerisut paasissutissiissutigineqassasoq ataatsimiititaliamit kissaatigineqarpoq.
- g) Sulisut aningaasallu pineqartut assersuutigalugu Namminersorlutik Oqartussat namminneq sulisuisa assersuutigalugu immikkut piginnaasaqalernissaannik, ilisimasaqalernissaannik periuseqalernissaannillu pilersitsinissamut atornagit sulisunik aningaasanillu Namminersorlutik Oqartussat aammalu Kalaallit Nunaata avataaniittunut taama annertutigisunik atuneq naapertuunnersoq ataatsimiititaliap isumaa malillugu Naalackersuisunit isumaliutigineqartariaqarpoq. Ataatsimiititaliamit naatsorsuutigineqarpoq piginnaasanik taamatut pilersitsiartuaarneq ungasinnerusoq isigalugu Namminersorlutik Oqartussat inunnik Kalaallit Nunaata avataaniittunik pisariaqartitsinerannik annikinnerulersitsissasoq aammalu suliassat isumagineqartarnerat akikin-

nerulissasoq, tamatumalu peqatigisaanik sulisut aningaasallu nunani allaniunngitsoq nunatsinnili atomeqarnerisigut aningaasaqarneq iluaqusemeqassasoq. Aningaasat amerlaqisut nunanut allanut – immaqalu piffinnut inunnullu taakkunungarpiat – tutsinneqaannartannginnissaat namminerli suliarisat siunertamut tassunga piginnaasamikkut ungasissoq isigalugu qaffassaavigineqarnissaat siunertaralugu siunnersortinik avataaneersunik atuineq pillugu anguniagassanik (politikimik) suliaqarnissaq Naalakkersuisunit isumaliutigineqarsimava?

Ajornartorsiuteqarfiup tamatuma Namminersorlutik Oqartussanut pitsaanerpaamik qanoq aaqqinneqarsinnaaneranut assersuummik Naalakkersuisut Siulittaasuat takutitsisariaqartoq ataatsimiititaliaq isumaqarpoq.

4.2 Konto pingaarneq 10.13.10 Akitaateqarluni ingerlatseqatigiiffinnit iluanaarutit, agguagarsiassat tunisinerillu

- a) Tunniussinerit Namminersorlutik Oqartussat ingerlatseqatigiiffiutaasa ataasiakkaat akornanni qanoq agguataarneqartussatut naatsorsuutigineqarpat?
- b) Coronap ajornakusoortitsinera konto pingaarnermut matumunnga qanoq sunniuteqassava?

4.3 Konto pingaarneq 12.01.01/12.01.10/12.01.14 Kalaallit Nunaata Københavnimi aallartitaqarfia

- a) Københavnimi aallartitaqarfik Nunanut Allanut Naalakkersuisoqarfiup ataaniinnani sooq Siulittaasup Naalakkersuisoqarfiata ataani inissinneqarsimava?

4.4

Sulisut Kalaallit Nunaanni Namminersorlutik Oqartussanik sullissisut Kalaallit Nunaanni sulillutillu najugaqartariaqarput. Namminersorlutik Oqartussani sulisut qassit Danmarkimi najugaqarlutillu sulippat, naak Nuummi Namminersorlutik Oqartussani atorfeqartinneqarlutik?

4.5

Danmarkip Kalaallillu Nunaata akornanni angalanermut atatillugu Namminersorlutik Oqartussani sulisut angalanerannut, ullormusiaannut najugaqartinneqarnerannullu aningaasat qanoq amerlatigisut atorneqartarpat?

4.6

Namminersorlutik Oqartussani atorfillit diplomatiunngitsut Kalaallit Nunaanni immikkoortuni atorfeqarfigisaminni sulisariaqarput. Soorluttaaq ingerlatseqatigiiffiit Kalaallit Nunaannit ingerlanneqarlutillu aqutsivigineqartariaqartut.

5. Suliassaqarfik 20 - 24 Aningaasaqarnermut Naalakkersuisoq

5.1 Suliassaqarfik 20 -- 24

Covid-19 pillugu suliaq suliassaqarfimmut matumunnga aningaasatigut qanoq sunniuteqarsimava?

5.2 Konto pingaarneq 20.01.08 Eqqartuussisutigoortitsinermit aningaasaliissutit, eqqartuussivimmi suliat. Aningaasaqarnermut Naalakkersuisoqarfik aamma Akileraartarnermut Aqutsisoqarfik

- a) Eqqartuussisutigoortitsinissamut aningaasanik immikkoortitsisoqarsimannngilaq. Taakku Aningaasaqarnermut Akileraartarnermullu Ataatsimiititaliamit akuersissutigineqaratik konto pingaarneq aqutugalugu akilemeqarsinnaasut oqaasertaliussami oqaatigineqarpoq. Taamatut periuseqarnermut suna pissutaava?

5.3 Konto pingaarneq 20.10.25 Ineqarnermut taarsigassarsiat akilerneqarneri

- a) Taarsigassarsiat piffissaq sioqqullugu akilerneqanngippata akiliutigineqartut aningaasartaat qanoq agguataarneqarsimasussatut naatsorsuutigineqarpat? Inatsisip atuutilernerata kingorna ukiuni siullerni taarsigassarsianik piffissaq sioqqullugu akiliisoqarsinnaanera annertunerpaajussasoq naatsorsuutigineqarpoq. Oqaasertaq taanna AIS2020-mit assiliinnagaarpasippoq kiisalu piffissaq sioqqullugu akiliinerit taakku ukiuni 2021-2023-mi katillugit 20 mio. kr.-inik isertitsissutaassapput, taamaalillunilu taarsigassarsiat taamaattut ikittuinnangussallutik, tamanna eqqorpa?

5.4 Konto pingaarneq 20.11.51 Aagqissusseqqinnerit sunniutaat

- a) Ingerlatseqatigiiffiit akileraarutaannik appaaneq ukiuni missingersuusiorfinni tamani assigiimmik sunniuteqassava?
- b) Akiliisitseriaatsip Ilanngaassiviup 1.1.2022-mi atuutilernerata ukiuni 2022-2024-mi assigiimmik sunniuteqarnissaa tagginneqarpoq, tamanna piviusorsiorpa?

5.5 Konto pingaarneq 20.11.56 Missingersuutininik iluarsineq, allaffissorneq

- a) Pisariillisaanerit sipaarutillu anguniarnerat arriippoq aammalu qarasaasiatigut aagqissuussinernut suleqatigiilluannngitsunut aningaasat atorneqartut amerlapput. Ukiut sisamat ingerlaneranni 20 mio. kr.-it missaaat sipaarutigineqarnissaat missingersuutigineqarpoq. Matumani sipaarutissat amerlanerit nassaarineqarsinnaappat?

5.6 Konto pingaarneq 24.11.12 Raajanut akitsuutit

- a) 2019-imi piviusunngortinneqartunut 264 mio. kr.-iusunut saniliullugu 278,6 mio. kr.-inut malunnaatilimmik qaffiarneruvoq. Covid19-illi sunniutaa pillugu 2021-mi 20 mio. kr.-inik appaasoqarluni. Ukiut missingersuusiorfiit tullit pingasut ukiumut 20 mio. kr.-iunerat qanoq piviusorsiorfigaa?
- b) Raajat Svalbardip Barentsillu imartaanni pisarineqartut akitsuutaasa immikkut procenteqartinneqarnissaannik oqaasertaliussaq. Taanna qanoq aqutsivigineqartussat eqqarsaatigineqarpa?

5.7 Konto pingaarneq 24.11.25/24.11.26 Qaleralinnut akitsuut aamma aalisakkanut ikerinnarsortunut akitsuut

- a) Kontomut ataatsimut ukiuni missingersuusiorfiusuni ukiumut isertitat 4 mio. kr.-it missaannik amerleriassapput. Tamatumunnga tunuliaqutitut paasissutissat nutaat qanoq ippat?

- b) Covid-19 pissutigalugu taaneqartunik 4 mio. kr.-inik ikililerisoqartoq missingersuutitut ilanngussami allassimavoq. Kisitsit taanna qanoq pissarsiarineqarpa?
- c) Aalisarnermut tunngasuni akitsuutit pillugit Naalakkersuisut qanoq anguniagaqarpat (politikeqarpat)?
- d) Akitsuutit ukiuni aggersuni qaffariarnissaannik missingersuuteqarnermut tunngavissaqarpa?

6. Suliassaqarfik 27, Nunanut Allanut Nukissiuuteqarnermullu Naalakkersuisoq

6.1 Konto pingaarneq 27.01.02 Bruxellesimi Sinniisoqarfik

- a) Bruxellesimi Sinniisoqarfiup suliassanik pingaarutilinnik amerlasuunik isumaginittartup nukittorsarneqarnissaanut iliuitsit suut piariaqartutut Naalakkersuisunit isigineqarpat?
- b) Aningaasaliunneqartut amerlineqarsinnaanerannut pisariaqartitsisoqarsinnaanera Naalakkersuisunit qanoq isumaqarfigineqarpa?

6.2 Konto pingaarneq 27.01.09 Kalaallit Nunaata Washington D.C-mi Sinniisoqarfia

- a) Thule Air Base pillugu ataatsimiinnernut isumaqatigiinniarnernullu atatillugu angalanerit aningaasalersorneqarnissaannut aningaasaliissutit 2021-mit 150.000,- kr.-inik amerlineqarput. Aningaasaliissutit amerleriarnernut pissutaasutuaq tassaava Thule Basemi US Air Forcemik sullissinissamik, ingerlatsinissamik aserfallatsaaliinisamillu isumaqatigiissutip danskit suliffeqarfiutaannut Greenland Contractorsimut utertinnissaa?
- b) Taamaassimappat aningaasartuutaanerusut danskit naalagaaffiannit matussuserneqartariaqanngillat?
- c) Kalaallit sinniisoqarfiisa sulisunit kalaallinit sullissiffigineqarnerat aammalu kalaallit inuussutissarsiornikkut soqutigisaannik sullissinissaat Naalakkersuisunit qanoq qulakkeerneqartarpa?
- d) Kinami sinniisoqarfissap aningaasanut inatsimmut sulii ilanngunneqannginneranut suna pissutaava?

6.3 Konto pingaarneq 27.90.02 Nukissiorfiit.

- a) Biilit ilanngullugit angallassissutit nunakkoorutit aammalu immakkut angallatit qassit Nukissiorfinnit pigineqarpat aammalu taakku pisiarineri ingerlanneqarnerilu qanoq akeqarpat?
- b) Pisiarisat illoqarfinnut agguataarlugit qanoq isikkoqarpat?
- c) Kisitsit taakku assingi assersuutigalugu Mittarfeqarfinnut Asiamullu tunngasut qanoq isikkoqarpat?
- d) Ingerlatsinermut aningaasaliissutit tamakku taarsiullugu suliffeqarfinnit namminersortunit attartornikkut atorneqarsinnaanerat, taamaalillunilu taakku inuiaqatigiinnut iluaqutaasumik pitsaanerpaamik atorneqarsinnaanerat, Naalakkersuisunit isumaliutigineqarsimava?
- e) Atortulersuutunik taamaattunik attartornissamut periarfissap Namminersorlutik Oqartussat ataanni suliffeqarfinnut atuutsinneqalersinnaanera Naalakkersuisunit isumaliutigineqarsimava?
- f) Pigisat siuliani taaneqartut inuinnarnit atorneqannginnissaat Naalakkersuisunit qulakkeerneqarsimava? Taamaassimappat politik qanoq ittoq peqqussutigineqarsimava?
- g) Inissianut kiassanermut pumpinik ikkussuinerup Nukissiorfinnit akuerineqartariaqarneranut suna tunuliaqutaava?

6.4 Konto pingaarneq 27.90.04 Nukissiorfiit, erniat.

- a) Nukissiorfiit sanaartornermut Namminersorlutik Oqartussanut akiitsuisa taama annertutigiinnarnissaat Naalakkersuisunit naapertuuttutut isigineqarpa?
- b) Sanaartornermut taarsigassarsisarnermik aaqquissuussineq kimit aningaasatigut iluaqutissarsiffigineqartarpa, iluaqutissarsisarnermu taanna aningaasaqarnikkut qanoq annertussuseqarpa?

- c) Niuerfinni atugassarititaasut nalinginnaasut atorlugit nutamik taarsigassarsisitsineq Mittarfeqarfiit Namminersorlutillu Oqartussat akornanni akiligassarineqartunut qanoq kinguneqassava?
- d) Sanaartukkat matumani suut pineqarpat?

7. Suliassaqarfik 30 - Isumaginninnermut, Ilaqutariinnermut Inatsisinillu Atuutsitsinnermut Naalakkersuisoq

7.1 Konto pingaarneq 30.10.37 Nuna tamakkerlugu meeqqanut inuusuttunullu angerlarsimaffiit

- a) Aningaasanik atuinerup sunniutaasa uuttortarneqarnissaat pisariaqartinneqartoq Naalakkersuisut isumaqarpat?
- b) Meeqqat amerlanerusut angerlarsimaffinnut inissinneqarpata aningaasaliissutitigut qanoq pisoqassava?
- c) Aningaasaliissutinut aningaasalersuutit, tassungalu ilanngullugu kommunit tapeeqataassutaasa 2019-imit 172 mio. kr.-init AIS2021-mi 200 mio. kr.-inut amerleriarnerisa, itisilerneqarnissaat ataatsimiititaliamit Kissaatigineqarpoq.
- d) Suliassami kisitsisissatut naatsorsuutigisani inissat amerlassusissaattut 2019-imi Nimi naatsorsuutit kisitsisitaat takussutissiami qupperneq 218-imiittut (kalaallisuuani) missingersuutigisanut naapertuuppat.

7.2 Konto pingaarneq 30.10.49 Sumiginnaasarneq akiorniarlugu isumaginninnikkut suliniutit

- a) Aningaasaliissutit sooq 0 kr.-itut nalunaarneqarsimappat?
- b) Ukiut sisamat ingerlaneranni atorneqartussatut 80 mio. kr.-inik aningaasaliisoqarsimasoq danskit 2020-mut aningaasanut inatsisaanni paasissutissiissutigineqarpoq. Aningaasat taakku konto pingaarnermut uunga ilanngunneqarlutillu atugassiissutigineqarnissaat siunertaava, taakkulu qanoq atorneqassappat?
- c) Aningaasaliissutini meeqqap qitiutinneqarnissaa ataatsimiititaliamit pingaartutut isigineqarpoq. Kiisalu ataatsimiititaliap paasinninnera malillugu angerlarsimaffiit ilaat suliassanik isumaginninnissaminnut sakkussanik pisariaqartunik amigaateqarput. Taamaattumillu taamaaliortoqareersimangippat suliniutit iliuuserineqartut sunniutaannik suliartoqassasoq ataatsimiititaliamit inassutigineqarpoq. Naalakkersuisut oqaaseqaateqarnissaat ataatsimiititaliamit qinnutigineqarpoq.
- d) Ataatsimiititaliap paasinninnera malillugu ulloq unnuarlu angerlarsimaffinnut namminersortunut qaammammut aningaasarpassuarnik atuisoqartarpoq. Nalunaarut nutaaq aaqqissuussaannermik atornerluisoqarneranik nassataqarsimasoq Naalakkersuisut misigisimappat, tamatumani ulloq unnuarlu angerlarsimaffinnut imminut pigisunut akisunaarlugit attartortitsinissaq siunertarlugu namminersortut illusisarlutik?
- e) Ivaaraq Qaqortumiittoq tassanilu sullitat najugaqartut Naalakkersuisunit qanoq iliuuseqarfigineqalersaarpat?
- f) Ulloq unnuarlu meeqqanut inuusuttunullu angerlarsimaffinnik namminersortunik atuinerup ingerlaavartumik atorunnaarsikkiartuaarnissaa, tassungalu taarsiullugu pisortat ulloq unnuarlu angerlarsimaffiutaat ungasinnerusoq isigalugu akikinnerusutut nalilerneqartut atornerulernissaat Naalakkersuisunit isumaliutigineqartariaqarpoq. Ingerlatsinerup namminersortunit aammalu pisortanit ingerlanneqarnerani assigiingissut ilimagineqartariaqarpoq tassaasoq namminersortutut ingerlatsisut iluanaarnissamik siunertaqarnerat, pisortalli sullitanik qitiutitsinissaat naatsorsuutigineqarluni. Naalakkersuisut oqaaseqaateqarnissaat ataatsimiititaliamit qinnutigineqarpoq.
- g) Nalunaarutit attuumassuteqartut ulloq unnuarlu angerlarsimaffinnit malinneqarnerat Naalakkersuisunit qanoq qulakkeerneqarpat?
- h) Ataatsimiititaliap isumaa malillugu meeqqat ilaqutariittut avatangiisilimmi ingerlalluurtuni paarineqartariaqarput. Taamatut aaqqissuussineq suliassaqarfinni allani sipaaruteqarnermik nassataqassasoq ataatsimiititaliaq isumaqarpoq. Naalakkersuisut oqaaseqaateqarnissaat ataatsimiititaliamit qinnutigineqarpoq.

- i) Aningaasaliissutit sunniutaannik uuttortaanissaq aammalu inissiisarnermut aningaasartuutit ikilisinneqarnissaannut periusissaq ataatsimiititaliamit ujjartorneqarput.
- j) Sumiginnaasarneq akiorniarlugu isumaginninnikkut suliniutinut tunngasumik ajornartorsiutit ulloq unnuarlu angerlarsimaffinnut taakkulu ingerlanneqarnerannut taamaallaat tunnganngimmata ataatsimiititaliamit ilisimaneqarpoq. Kiisalu ajornartorsiut ima annertutigaaq inuiaqatigiit tamarmiusut sunnerneqarlutik. Ilaqutariit namminneq meeqqaminnik paarsinissaannut piginnaaneqarnissaasa piomassuseqarnissaasalu siuarsarnissaanut annertuumik suliniuteqarnerup aallarnisarneqarnissaa sulinerup ingerlaqqinnissaanut aalajangiisuussasoq ataatsimiititaliaq isumaqarpoq. Naalakkersuisut oqaaseqaateqarnissaat ataatsimiititaliamit qinnutigineqarpoq.
- k) Tamatuma kingorna apeqqutaalersoq tassaassaaq ulloq unnuarlu angerlarsimaffinnut inissiinitsinni suut anguneqarnissaat kissaatigineripput aammalu tassunga atatillugu pigisat pinnagit meeqqalli qitiutinneqarnissaa qanoq qulakkeersinnaaneripput. Naalakkersuisut oqaaseqaateqarnissaat ataatsimiititaliamit qinnutigineqarpoq.

8. Suliassaqarfik 34 Peqqissutsimut Naalakkersuisoq

8.1 Suliassaqarfik 34

Ataatsimut isigalugu suliassaqarfinni tamani piviusorsioortumik missingersuusiortoqarnissaa ataatsimiititaliamit kissaatigineqarpoq. Missingersuusiorneq naalakkersuinikkut-aningasaqarnikkut pingaarnersiuinermut Inatsisartunit kissaatigineqartunut takussutissaavoq, minnerunngitsumik inuiaqatigiit siumoortumik nassuiaatitalimmik ineriartornissaat eqqarsaatigalugu. Suliassaqarfiit ilaasa iluini ukiup aningaasanut inatsiseqarfiusup ingerlanerani annertunerusumik pingaarnersiuqqinnissamut immikkut pisariaqartitsisoqalersinnaammat ataatsimiititaliamit paasineqarsinnaavoq – peqqissutsimullu suliassaqarfik suliassaqarfiuvoq taamaattoq. Taamaakkaluartoq ataatsimiititaliaq isumaqarpoq aningaasanut inatsisip aalajangersarneqarneranut atatillugu missingersuusiorneq aningaasanik atugassiissutigineqartussatut naatsorsuutigineqavissunik ersersitsisuusariaqartoq, aningaasaliissutimmi ilarpasui ukiumit ukiumut nussorneqartuassappata naammaginangilaq. Aningaasat atugassiissutigineqartussatut naatsorsuutigineqartut AIS-imi saqqummiunneqartumi sapinngisamik annertunerpaamik ersersinneqartarnissaat Naalakkersuisunit anguniarneqartariaqarpoq, taamaalluni piviusorsioortumik aallaavik tamanna naalakkersuinikkut piviusumik pingaarnersiuinermi tunngavigineqarsin-naaqullugu.

- a) Aningaasaliissutit sunniutissaattut siunniunneqartutut sunniuteqarnissaat aalajangiisuuvoq. Peqqinnissaqarfimmut aningaasaliissutit atornerqarnerisa sunniutaannik uutortaanermik suliaqartoqarsimava?
- b) Napparsimasunik Kalaallit Nunaanneersunik katsorsaanissaq pillugu Naalakkersuisut Islandimut qanoq isumaqatigiissuteqarpat isumaqatigiissullu qanoq annertutigisumik atornerqartarpa?
- c) Isumaqatigiissutit tamatuma nakorsanit sapinngisamik annertunerpaamik atornerqarnissaa siuarsarniarlugu peqqinnissaqarfik qanoq iliortarpa?

8.2 Konto pingaameq 34.01.04 Peqqinnissaq pillugu Isumalioqatigiissitaq

- a) Peqqinnissaq pillugu Isumalioqatigiissitap suliani sumut killippaa?
- b) Suliakkiissutit Naalakkersuisunit suliarineqartussap assilineranik pissarsisinneqarnisani ataatsimiititaliap kissaatigaa.

8.3 Konto pingaameq 34.11.03 Dronning Ingridip Napparsimmavissua / 34.12.01 Nunap immikkoortuini peqqinnissaqarfiit, nakorsanit sullinneqarneq

- a) Piffinnut assersuutigalugu pilataanermik suliassaqarfimmi, Dronning Ingridip Napparsimmavissuani suliarineqarsinnaagaluartunik, neqeroortunik atuisinnaangitsunut angalasartussanik pilersitsinissaq Naalakkersuisunit isumaliutigineqarsimava?
- b) Peqqinnissaqarfiup pinaveersaartitsiniarnermik suliniuteqarnera qanoq ingerlava? Ataatsimiititaliaq isumaqarpoq inooriaatsimik (assersuutigalugu pujortartarnermik aammalu imigassartortarnermik) pissuteqartumik nappaatit kiisalu assersuutigalugu naartuersittarnerit annertussusii pissutigalugit isumaqarnartoq pinaveersaartitsisumik pissusilersornerup naleqassusianik innuttaasut ataasiakkaat ilisimannissusiat qaffasartarialerujussuusooq. Nappaatinik pinaveersaartitsinermik peqqissutsimillu siuarsaarnermik peqqinnissaqarfimmi suliniutit qanoq initutigippat?
- c) Napparsimasut Nuummukartinneqartarnerannik, tamatumanilu pilersaarutit malillugit suut tamaasa ingerlanerannik, Peqqinnissaqarfik qanoq misilittagaqarpa? Katsorsaanerit ajornartorsiuteqarfiunngitsut kiisalu katsorsaanerit pilersaarutaasutut ingerlangitsut pillugit peqqinnissaqarfik kisitsisitigut paasissutissiortarpa? Sinerissamit Nuummukartinneqartarnerannik, tamatumanilu pilersaarutit malillugit suut tamaasa ingerlanerannik, Peqqinnissaqarfik qanoq misilittagaqarpa? Katsorsaanerit ajornartorsiuteqarfiunngitsut kiisalu katsorsaanerit pilersaarutaasutut ingerlangitsut pillugit peqqinnissaqarfik kisitsisitigut paasissutissiortarpa? Sinerissamit Nuummukartinneqartarnerannik, tamatumanilu pilersaarutit malillugit suut tamaasa ingerlanerannik, Peqqinnissaqarfik qanoq misilittagaqarpa?

gaasatigullu maangaannartitaasimasinnaasut missingerlugit peqqinnissaqarfimmit naatsorsorneqarsinnaappat?

- d) Napparsimasup angalanerata aammalu Nuummiinnerata pilersaarutit malillugit ingerlannginneranut taamaalillunilu akisunerulerneranut pisut suut pissutaagajuttapat?
- e) Nunap immikkoortuini napparsimmavinni pissutsit napparsimasut assigiimmik katsorsarneqarsinnaaneritut periarfissiisuunissaat aammalu napparsimmavinni atortuler-suutit katsorsaaneritut tapertaanissaat qulakkeerniarlugu peqqinnissaqarfimmi qanoq iliortoqartarpa?

8.4 Konto pingaarneq 34.11.09 Pinerluttulerinermi inatsit malillugu paaqqinniffimmut inissiineq

- a) Eqqartuunneqarnerup kinguneranik aningaasartuutit naalagaaffimmit akilerneqarnatik konto pingaarneq una aqqutigalugu akilerneqartarnerannut suna tunuliaqutaava?
- b) Konto pingaarnermi matumani aningaasaliissutit naalagaaffimmit akilerneqarsinnaanerannut qanoq periarfissaqarpa?

8.5 Konto pingaarneq 34.13.01 Peqqinnissaqarfuit, kigutigissaaneq

Pisariaqartitsineq malillugu akeqanngitsumik passunneqarnissamik katsorsarneqarnissamillu neqerooruteqarnissap malinneqarnissaanut kigutigissaanermi nukissat nalinginnaasumik pigineqarpat?

9. Suliassaqarfik 40 Ilinniartitaanermut, Kultureqarnermut, Ilageeqarnermut Nuna- nut Allanullu Naalakkersuisoq

9.1 Konto pingaarneq 40.01.08 Ilinniartitaanermut immikkoortunut pilersaarut

- a) Suliniummumut "Naalagaaffeqatigiinnermut ilisimasat"-nut aningaasat atorneqassasut taaneqarpoq. Suliniutit tigussaasut suut pineqarpat?
- b) Aningaasat ilinniartitaanermut immikkoortunut pilersaarummut naatsorsuussaataat ilaat amerlanerpaat ilinniarnertuunngorniarfinni ataatsimut allaffissornermut ineriartortitsi-
nermullu atorneqartut paasisutissiisutigineqarpoq. Tamanna tigussaasumik qanoq
paasineqassava? Ilinniarfiit ataasiakkaat ulluinnarni allaffissornerannut aningaasat
atorneqarnissaat ataatsimiititaliamit naatsorsuutigineqanngilaq.

9.2 Konto pingaarneq 40.10.11 Ado Lyngep Atuarfia

- a) Suliassaqarfimmumut aningaasaliissutinut sanilliullugu Ado Lyngep Atuarfiata ineriart-
tornissamut periarfissai qanoq ippat?
- b) Atuarfiup ineriartoqqinnissaa eqqarsaatigalugu Ado Lyngep Atuarfiata unammilli-
gassai annertuut suuppat?

9.3 Konto pingaarneq 40.12.35 GUX

- a) Suliassaqarfimmumut aningaasaliissutinut sanilliullugu ilinniarnertuunngorniarfiit assi-
giingitsut ineriartornissamut periarfissaat qanoq ippat?
- b) Ilinniarnertuunngorniarfinnik amerlanernik pilersitsinissaq pilersaarutaava?

9.4 Konto pingaarneq 40.90.10 Copydanimut isumaqatigiissut

- a) Konto pingaarneq una aqutigalugu kikkut aningaasanik pissarsisinneqartarpat?

9.5 Konto pingaarneq 40.91.09 Issittumi Teknikimik Ilinniarfik

- a) Ilinniarfiup ineriartornissamut periarfissai taakkulu aningaasalersorneqarnissaat qanoq
ippat?
- b) Ineriartorneq taanna siuarsarniarlugu Naalakkersuisut sunik suliniuteqarpat?

9.6 Konto pingaarneq 40.91.27 Kalaallit Nunaanni Teknikimut ilinniarfik

- a) Saviminilerinermik Ilinniarfiup Sisimiunut nuunneqarnissaanik pilersaarutit qanoq
ingerlappat?

9.7 Konto pingaarneq 40.94.17 Kalaallit Nunaata Radium - KNR

- a) Nuna tamakkerlugu radiumik- tv-millu kisermaassilluni ingerlatsinermut nunatta kar-
sianit aningaasalersorneqartumik aningaasaliissutit pineqartillugit aningaasaliissute-
qartut innuttaasullu ingerlatsivimmumut KNR-itut ittumut naatsorsuutigisaasa eqquut-
sinneqarnissaat ataatsimiititaliamit assut pingaartinneqarpoq. Ataatsimiititaliap isu-
maa malillugu pisortat ingerlatsiviannut taama annertutigisumik aningaasaliineq
pisussaaffiliivoq innuttaasunut kiffartuussinissamik pisussaaffik naapertorlugu aalla-
kaatitanik sullissutinillu siamasissunik kalaallinut tamanut qulakkeerinninnissamik.
Ataatsimiititaliap isumaa malillugu tamatumaa nassatarissavaa aallakaatitassiat sullis-
sissutinillu atuisut kissaataannut pisariaqartitaannullu nikerartunut naleqqussarne-
qarnissaat. Assersuutigalugu ataatsimiititaliamut pingaaruteqarpoq kalaallit timer-
sornikkut unamminerannik meeqqat inuusuttullu nuna tamakkerlugu tv-kkut isi-
ginnaarsinnaanissaat. Taamatuttaaq ataatsimiititaliap isumaqarpoq kulturikkut inger-
latat allat, apeqqutaatinnagu paasisitsiniaanerunersut, ilinniartitsinerunersut, uppe-
risamut aamma eqqumiitsuliornermik ingerlatsinermut tunnganersut, aamma taama

pingaaruteqartigisut. Tassunga atatillugu ataatsimiititaliaq isumaqarpoq sinerissamit nuna tamakkerlugu aallakaatitat sapinngisamik annertunerpaamik siuarsarneqartariaqartut.

- b) Ataatsimiititaliap isiginninnera malillugu siunertamut atugassat tv-kkut kanalit marluupput. Aallakaatitat ullumimut naleqqunnaatillu taamungaannaq toqqakkat amerlasuut aallakaateqqinneqartarput. Naammattunik aallakaatitassaateqanngikkaanni marlunnik kanaleqarneq sumik siunertaqarpa?

9.8 Konto pingarneq 40.97.03 Kalaallit Nunaanni Ilageeqarneq

- a) Qangaanerusoq oqaluffik inuppasuit inuuneranni qitiusimavoq, tamatumani palasi amerlasuunut ikiorsiisaruni. Oqaluffik ullumi sumut atortarparput?

9.9 Konto pingarneq 40.98.02 Nuna tamakkerlugu digitalinngortitsinissamut periusissiap atuutisilerneru

- a) Suliap siuariartormera pillugu ukiumoortumik nalunaarusianik konto pingarnermut 40.98.02-mut missingersuutinut ilanngussami allassimasunik Aningaasaqarnermut Akileraartarnermullu Ataatsimiititaliaq tigusaqarsimannilaq. Tamatumunnga suna tunngaviua? Nalunaarusiat kingulliit nassiunneqarnissaat ataatsimiititaliamit kissaatigineqarpoq.
- b) Suliniutit piffissaq ungasinnerusoq isigalugu malunnaatilimmik angusaqarfiunissaat imminnullu aningaasalersortuunissaat paasissutissiissutigineqarpoq. Suliniutit malunnaatilimmik angusaqarfiuneri imminnullu aningaasalersorneri Naalakkersuisunit qanoq uuttortarneqassava? Angusanut taakkulu imminnut aningaasalersornerinut assersuutaagallartut pillugit paasissutissat ataatsimiititaliamit kissaatigineqarput.

10. Suliassaqarfik 50 – 51 - Aalisarnermut, Piniarnermut Nunalerinermullu Naalakkersuisoq

10.1 Suliassaqarfik 50 - 51 Aalisarnermut Piniarnermut Nunalerinermullu Naalakkersuisoq

- a) Aalisarnerup saniatigut inuussutissarsiutinik arlalinnik ineriartortitsiniarluni ilungersuuteqartoqarnera ataatsimiititaliamik paasilluarneqarsinnaavoq. Ataatsimiititaliarli isumaqarpoq aalisarnerup suli inuussutissarsiutini pingaarnersaanera tullerijaarilluni pingaarnersiuiinermi aamma ersersinneqartariaqartoq – taamaattumillu aamma taassuma ineriartortinneqarnissaanut aningaasanik pitsaasumik atugassaqaqtitsinissaq qulakkeerneqartariaqartoq. 2021-mi aningaasanut inatsimmi taama isumaqarnermut nikitsisumik pisoqarpa?
- b) Suliassaqarfimmi 50-51-imi karsip erseqqinnerusumik misissuiffiginissaa Naalakkersuisunit isumaliutigineqarsimava?
- c) Akitsuutigut iluanaarutit qaffakkiartornerat malillugu inuussutissarsiutit pingaarnersaanni suli siuarsaaqqinnissaq inissaqartilluarneqarsinnaasoq Naalakkersuisunit isumaliutigineqarsimava?
- d) Aalisakkat akitsuutaat. Akitsuutitigut iluanaarutissatut missingersuutit qaffariannissaannik naatsorsuutiginninneq aalisarnermilu kinguararneq qanoq ataqtigiippat?

10.2 Konto pingarneq 51.01.17 Aalisartut piniartullu siunnersortinit sullinneqarnerat

- a) Aalisartut piniartullu kattuffiata KNAPK-p aammalu Aalisarnermut, Piniarnermut Nunalerinermullu Naalakkersuisoqarfiup akornanni angusassat pillugit isumaqatigiissut aqutugalugu aningaasaliissutit aqutsivigineqarput. Aqutsinissamik isumaqatigiissut Naalakkersuisunit naliliiffigineqarsimava aammalu ailat suliassamik tamatuminnga kivitsisinnaanerat isumaliutigineqarsimava?
- b) Siunnersortinit sullinneqarnerup ineriartortuarnissaa Naalakkersuisut kissaatigaat. Ukiuni missingersuusiorfinni atuisunik ilaannakortumik akiliisitsisarnermik atuutilersitsinissaq piunasaqaatigalugu aningaasaliissutit atugassiissutigineqarput. Aningaasaliussat atugassiissutigineqarnissaannut piunasaqaat 2017-imut aningaasanut inatsimili atuutilerpoq. Atuisut ilaannakortumik akiliuteqartinneqalernissaannik suliartik Naalakkersuisut sumut killippaat?

10.3 Konto pingarneq 51.03.02 Nunalerinermik inuussutissarsiuteqartunut aningaasalersuinikkut tapersiisarneq

Imminut pilersornerulernissamik anguniagaqarnerup nukittorsarneqarneranik konto pingarnermit matuminnga atugassiissutiginninnerup peqataaqataanissaa ataatsimiititaliamit pingartinneqarpoq. Taamaattumillu konto pingarnermik matuminnga atugassiissutiginninnerup tapiissutaannartut pinnani kaammattuutitulli atuunnissaa naapertuuttuusinnaavoq.

- a) Taamaattumillu nunalerinermik tunisassiat nunatsinni neqeroorutigineqartut anner-tussusiannut suussusiannullu sanilliullugu aningaasaliissutinik atugassannngortitsisarnerup sunniutaanik uuttortaanissaq ataatsimiititaliamit naleqquttutut isigineqarpoq. Tamanna Naalakkersuisunit isumaliutigineqarsimava?
- b) Tunisinermut aamma savanut piaqqiortunut/savaaqqanut arnavissanut tapiissutit aningaasaliissutit pisortani oqartussaasunut akiitsunut akilinnngitsuugaasimasunut matussutaanissaat qulakkeerniarlugu tapiissutit tunniunneqartarnerini savaatillit Nunatta Karsianut akiitsorisinnaasaat akilinnngitsuukkat ilanngaatigineqarsinnaasut konto pingarnermut missingersuutinut ilanngussami allassimavoq. Matumani aningaasaliissutigineqartunik atugassannngortitsinerup imminut pilersornerulernissamut ator-nagu akiliisitsiniarnermik siunertamat atornerqarnera ataatsimiititaliap isumaa malillugu eqqumiiginarpoq.

10.4 Konto pingaarneq 51.01.05 Kalaallit Nunaanni Aalisarsinnaanermut Akuersissutinik Nakkutilliisoqarfik aamma Piniarnermik Nakkutilliisoqarneq

- a) Nakkutilliisut aalisarnermik nakkutilliisussat, tulaassinermit nakkutilliisussat, eqqiluit-suunermik nakkutilliisussat aamma piniarnermik nakkutilliisussat allanngortinneqarnissaat pisariillisaavigineqarnissaallu pillugit KANUAANA-p sulinera qanoq ingerlava?
- b) Konto pingaarnermi matumani aningaasaliissutit sunniutaat Naalakkersuisunit naliliiffigineqarsimappat?

11. Suliassaqarfik 62-64 - Inuussutissarsiornermut, Nukissiuuteqarnermut Hissimatusarnermullu Naalakkersuisoq

11.1 Konto pingaarneq 64.01.05 Nunaqarfinni isorliunerusunilu inuussutissarsiutinik ineriartortitsineq

- a) Nunap immikkoortuinut taakkununga aningaasanik immikkoortitsisoqartoq ataatsimiititaliamit eqqumaffigineqarpoq. Siunnersortit nalunaarusaannut amerlasuunut atornagit suliniutinut tigussaasunut aningaasat atorneqartariaqartut ataatsimiititaliaq isumaqarpoq.
- b) Inuussutissarsiutinik ineriartortitsinerit suut maanna konto pingarnerup matuma ataani ingerlanneqarpat?

11.2 Konto pingaarneq 64.10.12 Nioqqutissanik pilersuineq aningaaseriveqartitsinerlu

- a) Suliassaqarfimmi ajorseriartoqannginnissaa pingaaruteqarpoq. Minnerunngitsumik nunaqarfiit aammalu isorliunerusuni illoqarfiit mikinerit immikkut eqqumaffigisassaapput.
- b) Upernaaq karsimik misissuinerimi ukiuni missingersuusiorfinni sinaakkutitut aningaasaliissutit 8 mio. kr.-inik ikilineqarput. Tamanna tigussaasumik qanoq piviusunngortinniarneqarpa aammalu aningaasaliissutit ikilineri nioqqutissanik pilersuinermut aningaaseriveqartitsinerimullu qanoq kinguneqartussatut naatsorsuutigineqarpa?

11.3 Konto pingaarneq 64.10.30 Puisit amiinik tunisineq

- a) Great Greenlandimut kiffartuussinissamut isumaqatigiissutinut aningaasaliissutit sunniutaat sumut killippat?
- b) Aningaasaliissutit suliassanut assigiinngitsunut atugassiissutigalugit agguataarnerat qanoq ippa? Atuineq suliassamilu kisitsisissatut naatsorsuutigisat skemanngorlugit agguataarneri ataatsimiititaliamit ujartorneqarpoq. Konto pingarnermi matumani karsip misissorneqarnissaa pisariaqartinneqarpa?
- c) Aningaasaliissutit puisit amiinik tunisinerinnarmut atorneqarneq ajorput. Kontomut taaguummik eqqornerusumik Naalakkersuisoq nassaarsinnaappat?

11.4 Siunertamut konto 64.10 Inussutissarsiorneq

- a) Siunertamut kontoqarfik 64.10 ataatsimut isigalugu siunnersortit qassit suliassaqarfimmut attuumassuteqarpat?

12. Suliassaqarfik 66 – 67 Aatsitassanut Suliffeqarnermullu Naalakkersuisoq

12.1 Konto pingaarneq 67.01.08 Qaqqami sisoortoqarnissaanik misissuineranut Kalaallit Nunaata akiliutaa

Aningaasat ukiuanni 2021-mi taamaallaat 6 mio. kr.-it immikkoortinneqarsimasut aammalu ukiuni missingersuusiorfinni aningaasaliisoqarsimanngitsoq ataatsimiititaliamit maluginiarneqarpoq. Tamanna annikiginarpoq. Tamanna ima paasineqassava qaqqami sisoortoqarsinnaaneranik aalajangersaanissamut piffissamik annertunerusumik atuinissaq pisariaqartinneqanngitsoq?

13. Suliassaqarfik 70 – 72 - Ineqarnermut Attaveqqaatigiinnermullu Naalakkersuisoq

13.1 Konto pingaarneq 72.10.16 Inissiat attartortittakkat ingerlanneqarnerat, aningaasaliissutinit iluanaarutit

- a) Ineqarnermut akiliummik aalajangersaasarnermut atatillugu aammalu 40 mio. kr.-inik aningaasaliissuteqarnermut sanilliullugu oqariaatsip aningaasaliissutinit iluanaarutip erseqqinnerusumik itisilerneqarnissaa ataatsimiititaliamit kissaatigineqarpoq.
- b) Innuttaasunut tassaarsuaqarneranik eqqugaasunut naatsorsuussanik Uummannami sanaartornermut atatillugu sanaartukkanik piginnittuunermut kiisalu aningaasaliinermut tunngasut ineqarnermut akiliutaasussanut sanilliullugit nassuiaatigineqarnissaa ataatsimiititaliamit kissaatigineqarpoq.

13.2 Konto pingaarneq 72.20.02 Kalaallit Nunaanni TV-kkut radiukkullu aallakaatitanik siammarterineq

- c) Namminersorlutik Oqartussat Tele Greenland A/S-illu akornanni aallakaatitsisarneq pillugu ingerlatsinissamik isumaqatigiissut taaneqarpoq, tassungalu ilaapput KNR-ip TV-mut radiumullu kiisalu Nuummi DR TV-p nassitsissutai.
 - Suunuku aningaasaliissuteqarfigivut? Aningaasat qanoq agguataarneqarsimappat?
 - Isumaqatigiissutit qanoq sivisutigisumik atuutissappat?
 - Kanalit amerlanerit periarfissaasut oqaatigineqarpoq, taakku pillugit qanoq piler-saaruteqarpa?

13.3 Konto pingaarneq 72.20.05 Ilaasunik angallassinermut tapiissutit

- a) Kiffartuussinissamik isumaqatigiissutinit 1. januar 2021-mi atuutilersussanut Naalakkersuisut missingiutaat Aningaasaqarnermut Akileraartarnermullu Ataatsimiititaliamit qaqugu naatsorsuutigineqarsinnaava?
- b) Mittarfiit nutaat kiffartuussinissamik isumaqatigiissutinit nutaanut qanoq sunniuteqartussatut naatsorsuutigineqarpat?
- c) Paasissutissanik nutaanik aningaasanik nutaamik nalilersueqqittariaqalersitsisunik saqqummertoqarpa?

13.4 Konto pingaarneq 72.20.07 Ineriartortitsineq nakkutiginninnerlu, angallannermut suliassaqarfik

- a) Oqariartaatsit ineriartornerup nakkutiginninnerullu konto pingaarnermut matumunnga sanilliullugit atorneqarnerisa erseqqinnerusumik itisilerneqarnissaa ataatsimiititaliamit kissaatigineqarpoq.

13.5 Konto pingaarneq 72.26.02 Mittarfeqarfii

- a) Kangerlussuarmut naalagaaffiup tapiissutai qanoq amerlatigippat, taakkulu naalagaaffiup iluaqutissarsineranut naapertuuppat?

14. Suliassaqarfik 73 – 77 - Naalakkersuisut Siulittaasuat

14.1 Konto pingaarneq 73.07.02 Piginnaasanik ineriartortitsiviusumik pikkorissarnerit

- a) Aningaasat ukiuanni 2021-mi ukiunilu missingersuusiorfinni suliassami kisitsisit appasinnerunissaat naatsorsuutigineqarpoq. Suliassat appasinnerunissaannik tamanna naatsorsuutiginninnerua?
- b) Ukiuni qaangiuttuni pikkorissarnerit qanoq ittut neqeroorutigineqarsimanersut aammalu pikkorissarnerit qanoq ittut piffissami aggersumi qitiutinneqartussat naatsorsuutigineqarsut nassuiaatigineqassasoq ataatsimiititaliamit kissaatigineqarpoq.
- c) Konto pingaarnermi siunertarineqartumut pikkorissarnerit imarisaasa attuumassuteqarnerisalu ingerlaavartumik nutarterneqartarnissaat Naalakkersuisunit pikkorissartitsisunillu qanoq qulakkeerneqartarpa? Tamatumunga akisussaaffik sumiippa?
- d) Pikkorissarnernik atuisut nunatsinni sumingaanneernerat kisitsisitigut paasissutisiorfusimava?
- e) Missingersuutinut ilanngussami allassimavoq PKU-mut immikkoortitani pingaarnertut sammineqartut tassaasut ilinniagaqarsimangitsut, suliffissaaleqisut imaluunniit inuussutissarsiutini ingerlanerliortuni sulisut kiisalu inuit immikkoortuni siunissami siuariartornissaannik naatsorsuutigineqartuni pikkorissarnissamik pisariaqartitsisut. Pikkorissarnerni peqataasut suliffissaaleqisuunersut, inuussutissarsiutini ingerlanerluttuneersuunersut imaluunniit immikkoortuni siunissami siuariartornissaannik naatsorsuutigineqartuni pikkorissarnissamik pisariaqartitsisuunersut pillugit kisitsisitigut paasissutissiortoqarsimava?
- f) Naalakkersuisut misigisimappat nalinginnaasumik isumaqartoqartoq aqqissuussineq suliffissaaleqisunuinnaq atuuttoq aammalu suliffeqaraanni pikkorissartoqarsinnaangitsaq?

14.2 Konto pingaarneq 73.07.05 Majoriaq aamma 73.07.07 Ilinniartunut tapiissutit - Majoriaq

- a) Aningaasat ukiuanni 2021-mi aammalu ukiuni missingersuusiorfinni aningaasallisutit ukiuni pineqartuni suliassami kisitsisissatut naatsorsuutigineqartullu imminnut sooq ingerlaqatigiinnngillat?
- b) Suliffeqarnermi ineriartorneq, tassungalugu ilanngullugu sulisartut suliatigut piginnaasaannik aammalu nunami nuttarsinnaanerannik nukittorsaaneq siuarsarniarlugu Majoriami ingerlatsiviit nuna tamakkerlugu salliullutik sullissisuunissaat Naalakkersuisunit qanoq qulakkeerneqartarpa?
- c) Apeqqut b-mi apeqqutigineqartunut tunngatillugu nalunaarusiortoqartarpa?
- d) Najukkani, nunap immikkoortuini nunalu tamaat inuussutissarsiortunut suliffeqarnikkut Majoriami ingerlatsiviit salliullutik suliaqarnerat Naalakkersuisunit qanoq qulakkeerneqartarpa?
- e) Tigussaasumik atorfinitsitsinissaq siunertaralugu suliffissarsiortut sulisitsisullu akornanni attassuteqartoqarnissaanut Majoriami ingerlatsiviit salliullutik suliaqarnerat Naalakkersuisunit qanoq qulakkeerneqartarpa?
- f) Apeqqut d-mi e-milu apeqqutigineqartunut tunngatillugu nalunaarusiortoqartarpa?

14.3 Konto pingaarneq 77.05.02 Pinngortitaleriffik

Nunatta avannaani immikkoortortamik pilersitsinissaaneq Naalakkersuisunit qanoq isumaqarfigineqarpa?

14.4 Konto pingaarneq 77.05.08 Avatangiisinut Aningaasaateqarfik


Aningaasaateqarfiup isertitaqarnissaa qulakkeerumallugu Naalakkersuisut maanna qanoq pilersaaruteqarpat?

Naalakkersuisut akissuteqarnissaat ataatsimiititaliamit qilanaarinqarpoq. Tassunga atatillugu apeqqutitut siuliani allassimasunut akissutigisamik siornagut apeqqutit oqaaseqaatillu akissuteqarfigineqartut Naalakkersuisut (naatsumik) issuartassagaat ataatsimiititaliamit qinnutigineqassaaq.

Allakkiamut matumunnga akissut kingusinnerpaamik ataasinngorneq ulloq 16. november 2020, nal. 12.00 Aningaasaqarnermut Akileraartarnermullu Ataatsimiititaliamit tiguneqareersimasussanngorlugu kalaallisut danskisullu kiisalu elektroniskimik saam@inatsisartut.gl-imut nassiuteqquneqarpoq.

Allakkiaq una aamma elektroniskimik oedfu@nanoq.gl-imut nassiunneqarpoq.

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua



Aningaasaqarnermut Naalakkersuisoq -/ Maani

Assilineri: Inatsisartut ataatsimiititaliaat

Ulloq: 10. november 2020

J.nr.: 01.31.11-00020

Naalakkersuisut 2021-mi aningaasanut inatsisissatut siunnersuutaat

1. Aallarniut

2021-mut aningaasanut inatsisissatut siunnersuummut Aningaasaqarnermut Akileraartarnermullu Ataatsimiititaliap ilassutitut apeqqutai oqaaseqaataalu matumuuna nassiunneqarput. Apeqqutit ataatsimiititaliap missingersuutit pillugit Uummannami september 2020-mi isumasioqatigiinnerani aningaasanut inatsisissatut siunnersuummut tamarmiusumut Aningaasaqarnermut Ataatsimiititaliap misissuinerata kingorna apeqqutigineqartunut ilassutaapput.

9. Ilassutitut apeqqutit

9.1 Suliassa qarfiit assigiinngitsut

1. Kommunet bloktilskudimut isumaqatigiinniarfigineqarnerannut killiffik qanoq ippa? Aporfeqarsimappat suut isumaqatigiinngissutaappat?
2. Maanna AIS21-mi kommunet bloktilskud aqqutigalugu ilannganneqarfissaat soorlu kto. 20.05.20 aamma kto. 20.11.51-imiittut pillugit kommunet paaseqatigineqarsimappat?
3. Kommunet Namminersorlutillu Oqartussallu iluanni ingerlatsivinnut, akit qaffakkiartorneranut nalimmassaanissamut (PL-regulering) Naalakkersuisut qanoq pilersaaruteqarpat? Kommunellu qanoq piumasaqaateqarpat?
4. Akit qaffakkiartornerannut (PL-regulering) nalimmassaanissaq pissutsit piviusut malillugit 1,85-iusoq Naalakkersuisup, 08.11.20 siunersiorneqarnermini oqaatigaa. Tamanna aningaasannorlugu qanoq naleqarpa?
5. Ingerlatseqatigiiffiit akileraarutaasa Naalakkersuisooqatigiinniit appartinneqarnera kinguneralugu, kommunet ukiumut isertitassaat 25 mio. kr.-inik ajorseriassaaq. Ajorseriaat kommunenut annertuumik sunniuteqarnerluttussaavoq pingaartumik ukiuni siullerni. Tamanna tunngavigalugu Naalakkersuisut kommunenut tamakkiisumik ilaannakortumilluunniit annaasaqaataasunut matussusiiniarpat?
6. Ukiuni kingullerni tallimani akisussaaffiit suut kommunenut tunniunneqarpat qanorlu aningaasartaqartinneqarpat?
7. Sanaartugassanut aningaasaliissutit kommunenut tunniunneqartut aningaasartai atorneqanngitsoortartut pillugit Naalakkersuisut iliuuseqalersaarlutik allagaqarnikuupput. Tassunga tunngatillugu qanoq pilersaaruteqartoqarpa?


8. Qasigiannugit Aasiaallu erngup nukissiorfittaarnissaanut kiisalu Nuummi Utoqqarmiut Kangerluarsunnguanni nukissiorfiup allineqarnissaanut pilersaarutit qanoq killiffeqarpat?
9. Kangaatsiap Atuarfiata Namminersorlutik Oqartussanit aningaasaliissutaareersut qavisigut aningaasaliiffigineqarqinniarpa? Soorlu Qassiarsuup atuarfissaanut assingusumik aqqiisoqarluni?
10. Perorsaasut akissaataasa qaffanneqarnissaanut isumaqatigiinniarnermut killiffik suua, aningaasallu qanoq amerlatigisut sinaakkutigineqarpat? Perorsaasut qanoq piumasaqaateqarpat piumasaqaataallu Naalackersuisunit naammassiniarneqarpat?

Naalackersuisut akissuteqarnissaat ataatsimiititaliamit qilanaarineqarpoq. Tassunga atatillugu apeqqutinut siuliani allassimasunut akissutigisamik siornagut apeqqutit oqaaseqaatillu akissuteqarfigineqartut Naalackersuisut (naatsumik) issuartassagaat ataatsimiititaliamit qinnutigineqassaaq.

Allakkiamut matumunnga akissut kingusinnerpaamik ataasinngorneq ulloq 16. november 2020, nal. 12.00 Aningaasaqarnermut Akileraartarnermullu Ataatsimiititaliamit tiguneqareersimasussanngorlugu kalaallisut danskisullu kiisalu elektroniskimik saam@inatsisartut.gl-imut nassiuteqquneqarpoq.

Allakkiaq una aamma elektroniskimik oedfu@nanoq.gl-imut nassiunneqarpoq.

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua



**Aningaasaqarnermut Naalakkersuisoq
-/ Maani**

Ulloq: 17. november 2020

J.nr.: 01.31.11-00020

Naalakkersuisut 2021-mi aningaasanut inatsisissatut siunnersuutaat

1. Aallarniut

Ataatsimiititaliap 10. november 2020-mi apeqqutaanut Naalakkersuisut akissutaasa tigoreer-
neranni 2021-mi aningaasanut inatsisissatut siunnersuummut apeqqutit nutaat ilassutaasut
Aningaasaqarnermut Akileraartarnermullu Ataatsimiititaliamit matumuuna nassiunneqarput.
Apeqqutit ataatsimiititaliap missingersuutit pillugit Ummannami september 2020-mi
isumasioqatigiinnerani aningaasanut inatsisissatut siunnersuummut tamarmiusumut Aningaa-
saqarnermut Ataatsimiititaliap misissuinerata kingorna apeqqutigineqartunut ilassutaapput.

10. Apeqqutinut ilassutit

10.1 Ataatsimoortumik tapiissutit pillugit kommuninik isumaqatigiinniarnert pillugit

- a) Ataatsimoortumik tapiissutit pillugit kommuninik isumaqatigiinniarnert tigussaasu-
mik qanoq ingerlanneqarpat?
- b) Isumaqatigiinniarnert kommuninut ataasiakkaanut qanoq kinguneqassappat?
- c) Akinik akissarsianillu iluarsiissuteqannginneq kommuninut ataasiakkaanut qanoq kin-
guneqassava? Tamanna aamma ingerlatseqatigiiffiit akileraarutaannik allannguiner-
mut kiisalu sulinermit ilanngaammut atuuppoq?
- d) Sanaartugassatut suliniutit pillugit kommunit pilersaarutaat sumut killippat?

Aningaasanut inatsisip oqimaqatigiiffiunissaanik piumasaqaat pillugu

Aningaasanut inatsisip aappaagu minusimiinnginnissaanik Aningaasaqarnermut Akileraar-
tarnermullu Ataatsimiititaliap piumasaqaataa Naalakkersuisunit malinneqarsinnaangitsoq
tusagassiorfinni ulloq 16. november 2020-mi allassimavoq. Tusagassiorfinnut nalunaarummi
allassimavoq Aningaasaqarnermut Akileraartarnermullu Ataatsimiititaliap naaperialaarnis-
saanut Naalakkersuisut piareersimasut. Naalakkersuisulli oqarsinnaangillat qanoq annertuti-
gisumik, ataatsimiititalialli piumasaqaataa qaninneralaararsuullugu oqaatigaat.

- a) Naalakkersuisut oqariartuutaat siuliani allassimasoq itisilerneqassasoq ataatsimiitita-
liamit kissaatigineqarpoq. Tamanna ima isumaqarpa ulloq 8. november 2020-mi siu-
nersiunermiti nalunaarutigineqartumit annertunerusumik pingajussaaneerinninnissa-
mut allannguutissatut siunnersuutit Naalakkersuisut saqqummiussilersaartut?

10.3 Nunani allani taarsigassarsiniarnissamut pisariaqartitsineq pillugu

Aningaaserivinni taarsigassarsiniarnissamik – aamma aappaagu aningaasanut inatsit amigartoorfiussagaluarpalluunniit - Naalakkersuisut pilersaaruteqanngitsut tusagassiorfinni ulloq 16. november 2020-mi allassimavoq.

Nunani allani aningaasanik amerlasuumik taarsigassarsiniartariaqarnerup immaqa pisariaqarunnaarsimanera ataatsimiititaliamit pitsaasutut isigineqarpoq. Namminersorlutik Oqartussat sinnerlugit 1,5 mia. kr.-it tungaannut Aningaasaqarnermut Akileraartarnermullu Ataatsimiititaliamit akuerineqartumik taarsigassarsiniarnissamut piginnaatinneqarnissartik Naalakkersuisut kissaatigigaat 2021-mut aningaasanut inatsisissatut Naalakkersuisut siunnersuutaanni allassimavoq. COVID-19-ip 2020-mi Nunatta Karsianut annertuumik aningaasartuuteqartitsisup, tamatumalu peqatigisaanik Nunatta Karsiata isertitassaatut missingersuutigineqarlutik naatsorsuutigineqartut ajorseriarnerannik pilersitsisup, nassatarisaanik piginnaatitsissutit taassuma ilanngunneqarnissaa Naalakkersuisut kissaatigaa.


- a) Oqaasertaliussap taarsigassarsinissamut periarfissiisup aningaasanut inatsisissatut siunnersuummit peerneqarnissaata qinnutigineqarnissaanik tamanna kinguneqassanersoq paasissutissiissutigineqassasoq ataatsimiititaliamit kissaatigineqarpoq.
- b) Taarsigassarsinissap pisariaqarunnaarnera aningaasanut inatsimmut allanik kinguneqassanersoq paasissutissiissutigineqassasoq ataatsimiititaliamit aamma kissaatigineqarpoq.
- c) Kiisalu coronap maanna atuunnerata qanoq annertutigisumik sunniuteqarnissaata sivissuseqarnissaatalu nalornissutaajunnaarnerannik tamanna aamma isumaqarpa?

Naalakkersuisut akissuteqarnissaat ataatsimiititaliamit qilanaarineqarpoq. Tassunga atatillugu apeqqutinut siuliani allassimasunut akissutigisamik siornagut apeqqutit oqaaseqaatillu akissuteqartigineqartut Naalakkersuisut (naatsumik) issuartassagaat ataatsimiititaliamit qinnutigineqassaaq.

Allakkiamut matumunnga akissut piaarnerpaamik Aningaasaqarnermut Akileraartarnermullu Ataatsimiititaliamit tiguneqartussanngorlugu kalaallisut danskisullu kiisalu elektroniskimik saam@inatsisartut.gl-imut nassuteqquneqarpoq. Taarsiullugu akissuteqaat siunnersuutip aappasaaneerineqarnissanut Naalakkersuisut akissuteqaataannut kingusinnerpaamik ilanngunneqarsinnaavoq.

Allakkiaq una aamma elektroniskimik oedfu@nanoq.gl-imut nassinneqarpoq.

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua